



Inuit Ataqatigiit Inatsisartuni

Inatsisartut Suleriaasianni § 36, imm. 1 naapertorlugu Naalackersuisunut apeqqut imaattoq matumuuna saqqummiuppara:

Naalackersuisunut apeqqut:

Ilumoornerluni pilersaarutigineqartoq tusilartunut siunnersuisup Nuummut nuutinneqarnissaa? Ilumoorsimappat, suna patsisiginiarneqarpa? Aamma taamatut siunniussaqaannginnermi tusilartunut suliniutaasimasut 1978-79-mili aallartisarneqarsimasut nalilersuiffigineqarsimanerpat?

Tungavilersuut:

Ukiut marlussuit matuma siorna, tusilartunut siunnersortip Ilulissanut nuuneqarsinnaanera eqqartorneqalermalli, tusilartunut atuarfiup suleqatigisartakkaminut oqaatigisimavaa, taamatut iliortoqassappat torrallaannerunngilluinnassasoq.

Sisimiut nunatsinni tusilartut sulissunneqarnerani qitiuvoq. Tassani tusilartut pillugit paasisimasallit katersuussimapput. Inuit ukiorpassuanngortuni tusilartunik sullissisuusimasut, tassanilu tusilartunut siunnersorti suleqataavoq, suleqatigiillu immersoqatigiittuarlutik. Aamma tassani najugaqarput, nunatsinni tusilartunik siunnersuisuusarsimasut. Taakkulu ilisimasaminnik ingerlatitseqqittuuarput tusilartunut siunnersortip iluaqutigilluarsinnaasaannik.

Tusilartut nammineerlutik taakkulu angajoqqaavi tusilartunut siunnersortaasarsimasunut saaffiginnillattaajuartarput, ajornartorsiutitillu taamatut sulisimasut akunnerminni ilisimaarilluarpaat taamaattumillu oqaluuserilluarsinnaasarlugit. Paasissutissat tamakku tusilartut siunnersortaanut ingerlateqqinneqartarput.

Tusilartunik sullissisut – aamma siunnersorti ilagalugu – qaammatit tamaasa naapeqatigiittarput. Ajoraluartumik ukiuni kingullerni marlunni tusilartunik siunnersorti atorfik inuttaqartinneqarsimangilaq. Tamanna tamanut maqaasinarsimaqaaq, unali allanngortinngilaa tusilartut pillugit nunatsinni ilisimasat Sisimiuni katersuussimammata.

Tusilartunut siunnersortitaaqqinnissarput assut qilanaarisimavarput, tassami suliniutissanik arlaqaqisunik pilersaarusoqatigiittoqarsimammat, ilaatigut Ilaqutariinnermut Pisortaqarfimmit sumiginnarneqartarsimasunik.

Tusilartut pillugit paasisimasat Sisimiuniittut tutsuiginartuupput, tusilartunut siunnersortitaap sulinermini atorluarsinnaasaralui. Tamatumani assersuutigalugu taaneqarsinnaapput tusilartut ussersorluni kalaallisut ”oqalussinnaanerinut” ilisimasat atortorissaarutillu aammalu suleqatitut sungiussisimasat allat soorlu atuarfiit, kommuni, elevhjemmit il.il.

Taamaattumik tusilartunut siunnersorteqarnerup Nuummut nuuneqarsinnaanera torrallaanerunngilluinnassaaq, tamatumani sullissinermi ilisimasatigullu annaasassat annertoorujussuussammata.